

Ngā pitopito kōrero mō te Tohu

Te nama o te tohu mātauranga	3048		
Taitara Māori	Te Pōkairua Reo (Rumaki) (Te Kaupae 5)		
Taitara Ingarihi	New Zealand Diploma in Te Reo (Rumaki) (Level 5)		
Te putanga	2	Te momo tohu	Pōkairua
Te kaupae	5	Ngā whiwhinga	120
Whakaraupapa	091502 Society and Culture >Language and Literature > Te Reo Māori		
Te kaihanganga tohu	Ngā Ratonga Tohu Mātauranga Māori (NZQA) me Te Whare Wānanga o Awanuiarangi.		
Te rā arotake	Hakihea 2027		

Te tauāki ā-hua

<p>Te Rautaki o te tohu</p> <p>He tohu tēnei mā ngā kaikōrero e whanake haere ana i te reo, e mārama ana, e kaha ana hoki ki te whakamahi i te reo ki tēnei taumata tiketike, kia tika, kia rere, kia Māori. He tohu anō hoki tēnei mā te hunga e hiahia ana ki te whai wāhi atu ki te whanaketanga o tō tātou reo, e ngākaunui ana hoki ki te reo hei reo kawē kōrero i te kāinga, i te wāhi mahi rānei. I tua atu o te ako i te reo, kua whakapakari hoki te ākongā kua puta tōna ihu i te punenga me te mārehe o tōna mōhio ki te reo, me ngā pūkenga i te reo me te rangahau mā te wānanga i tētahi kaupapa whaitake.</p> <p>Ka taea e ngā ākongā kua puta o rātau ihu te whakaatu i ngā pūkenga reo, me te māramatanga hoki ki te reo kia pai ai te tū takitahi ki te whakawhiti kōrero, ki te whakatakoto i te whakaaro, i te ariā hoki i te whānuitanga o ngā horopaki e taunga nei ia, i ētahi horopaki hoki kāore e pērā rawa tana taunga, me te Māori ake o te rere o te reo; e kaha ana hoki rātau ki te rangahau i ngā kaupapa e hāngai ana ki te reo.</p>

<p>Ngā hua o te tohu</p> <ol style="list-style-type: none"> Whakamahi i ngā kupu Māori, i ngā hanganga wetereo me ngā pūkenga mārehe ki tēnei taumata teitei, me te tātari i ngā whakaaro o tangata kē mā roto atu i ngā mātāpono hei tohu i te mana tangata.

2. Kawe i te teiteitanga o te reo me ngā kīanga ki te reo kia pai ai te whakaatu i te māramatanga whānui ki ōna hononga ki te whenua me te taiao, ki ngā wāhi, ki ngā tāngata, ki ngā tāhuhu kōrero me ngā pūrākau rongonui, tae atu ki ngā pepeha me ngā kiwaha o te rohe hei whakaputanga i te mana whenua.
3. Whakamahi i te reo ki tēnei taumata teitei, te whakaatu hoki i ngā pūkenga mārehe kia auaha te kawenga o te reo whakaniko i ngā horopaki e taunga nei te ākongā, i ētahi horopaki hoki e tauhou ana ki a ia, mā roto atu i ngā mātāpono hei tohu i te mana reo.
4. Whai i ngā tikanga e tū takitahi ai te ākongā ki te ārahi i te mahi me te tangata i te whānuitanga o ngā horopaki kua tohua, i ētahi horopaki hoki e tauhou ana ki a ia mā roto atu i ngā mātāpono hei tohu i te mana ao tūroa.
5. Whakamahi i te punenga me te mārehe o tōna mōhio ki te rangahau i tētahi kaupapa e pā ana ki te reo, ki ōna tikanga me ōna āhuatanga.

Te tohu o te Rumaki:

E whakawhiwhia ai ki te ākongā Te Pōkairua Reo (Rumaki) (Te Kaupae 5), me mōhio ia ki te whakawhitihiti kōrero ki te reo, ki te taumata e tika ana, i roto i te taiao rumaki, e tutuki ai ngā whāinga.

Ngā mātāpono o te tohu

Mana Tangata

Kia whakatairangahia te pitomata o te tangata me ōna pūmanawa ki te reo me ngā tikanga i roto i ōna mōhiotanga o mua, o nāianei, o āpōpō hoki.

Mana Whenua

Taketake nō tēnei whenua te tangata Māori, tōna reo, me āna tikanga, nō reira ka pūmautia te tūrangawaewae me te rangatiratanga o te tangata ki tōna whenua, ki tōna taiao o mua, o nāianei, mō āpōpō hoki.

Mana Reo

Kia marama pū ki te pūtake, te whānui, te hōhonu, te tiketike o te reo me ngā tikanga o te tangata i roto i ngā ao mōhio o mua, o nāianei, mō āpōpō hoki ā, kia tangata whenua ai te reo.

Mana Ao Tūroa

Te ngoi me te korou e tūhonohono ana, e whakaihiihi ana i ngā mea katoa o te ao kikokiko nei, he kawenga hoki i te mana o te tangata, o te mea rānei i te ao o mua, o nāianei, mō āpōpō hoki.

Ngā huarahi mātauranga

He huarahi tēnei tohu mātauranga mō ērā e hiahia ana ki te whakapakari ake i ō rātau mōhiotanga me ō rātau pūkenga reo Māori.

E whakaaetia ana kia koke ngā ākongā kua puta ō rātau ihu ki te whai i:

- Te Pōkaitahi Reo (Rumaki) (Te Kaupae 6) [Ref: 3049]
- Te Pōkairua Reo (Rumaki) (Te Kaupae 6) [Ref: 3051]
- Te Pōkairua Tikanga (Waka, Rongoa, Te Ara Nunumi, Mātauranga Māori, Te Whanaketanga, Rangahau) (Te Kaupae 6) [Ref: 3042]
- Te Tohu Taurapa (Te Kaupae 6) [Ref:3053]

- Rumakihia te Taiao (Kaupae 6) [Ref:2347]
- Manu Taiko – Hokā Rangī (Kaupae 6) [Ref: 2427]

E whakaaetia ana kia koke ngā tauira i te:

- Te Reo Māori, NCEA, Kaupae 3.

Ko ngā huarahi ā-mahi, ā-ahurea, ā-whānau, ā-hapū, ā-iwi, ā-hapori anō hoki

Kua mau i te ākongā kua puta tōna ihu ngā pūkenga me ngā mātauranga e whai wāhi ai ia ki te oranga tonutanga me te whanaketanga o te reo i waenganui i te whānau, i te hapū, i te iwi, i te hapori hoki.

Ka mārama, ka mōhio hoki me pēhea te whakamahi i te reo, ki tēnei taumata tiketike, hei taunaki, he kīnaki i ōna pūkenga me ōna mātauranga kua mau kē i a ia i mua, i te wāhi mahi o te ākongā kua puta tōna ihu i te rāngai tūmatanui, i te rāngai tūmataiti hoki.

Waihoki kua kaha ake te aro a ngā iwi ki ngā mahi whakarauora reo ka whai koha atu te tauira kua puta tōna ihu ki te whānau, ki te hapū, ki te iwi, ki te hapori hoki.

Tirohia te pae tukutuku ki a [Careers.govt.nz](https://careers.govt.nz)

Ngā tauwhāititanga o te tohu

<p>Te whakawhiwhinga o te tohu</p>	<p>Ka whakawhiwhia te tohu nei e te kura mātauranga kua whakamanahia ki te whakaako hōtaka mā reira e riro ai te tohu.</p>
<p>Ngā taunaki hei whakaū i te tauritenga</p>	<p>Ka whakaaturia pea ēnei taunaki e whai ake nei i roto i te arotakenga o ngā tauritenga:</p> <ul style="list-style-type: none"> • he pūrongo whakaōrite ā-roto, ā-waho anō hoki. • he urupare mai i te ākongā kua puta tōna ihu, i te hunga whaipānga hoki rānei, i te hunga whaihua hoki rānei e pā ana ki te putanga o ngā hua. • ngā tatauranga mō te whakaoti hōtaka me ngā hua i puta. • ngā mahi whakataurite i ētahi atu hōtaka e rite ana te āhua. • ngā mahi i mahia e te kura mātauranga hei whakahoki i ngā kohinga kōrero a ngā tauira kua puta te ihu, ngā tauira kei te wānanga tonu, me ngā kaiako anō hoki. • he raraunga i hua mai i te Arotake Aromātai ā-Waho. • he pūrongo mō te arotake i te hōtaka o te reo. • he kohinga mahi nā te ākongā. • he pūrongo mō ngā toronga ki te kura. • he taunaki atu anō e hāngai ana, e pono ana hoki.
<p>Te pae o raro e tutuki ai, ngā paerewa hoki hei whakaatu i te taumata o te whakatutukinga</p>	<p>Paetae.</p>

<p>Ko ētahi atu here o te tohu (tae atu hoki ki ngā here ā-hinonga whakamarumarū, ki ngā here ā-ture rānei)</p>	<p>Korekau.</p>
<p>Ngā tikanga whānui o te hōtaka</p>	<p>Ngā tikanga whānui o te hōtaka</p> <p>Ko te tūāpapa o te huarahi whakaako i ngā hōtaka mā reira e riro ai te tohu nei ka hāpai i ngā tikanga e pai nei te Māori i roto i ngā mahi whakaako, i ngā mahi ako, i ngā mahi tautoko i te ako, i ngā mahi tautoko hoki i te ākongā.</p> <p>Me whakarite kia whakaurua ki te hōtaka ngā tikanga/kawa e tika ana kia whaiwāhi ai, kia kuhu ai, kia whai kōrero ai hoki ngā whānau, ngā hapū hoki rānei, ngā iwi hoki rānei, ngā hapori hoki rānei.</p> <p>Ko Ngā Paerewa Aromatawai hei kōwhiringa, kua wātea hei tautoko i te waihanganga o te hōtaka, ka whakamahia hoki hei aromatawai i ngā hua o tēnei tohu, kei te whārangi o te pae tukutuku a Te Mana Tohu Mātauranga o Aotearoa e whai ake nei:</p> <p>https://www.nzqa.govt.nz/framework/explore/sub-field.do?frameworkId=76154</p> <p>E whakaaetia ana kia whakaakona ngā hōtaka, mā reira e riro ai te tohu nei, mā te huarahi o te rumaki, mā te huarahi rānei o te reo rua. Me hangai ngā tikanga whakaako o te kura ki ngā hiahia matua me ngā āheinga o ana ākongā. Ko tōna tikanga me whakarite e te kura kia rere ngā mahi whakaako me ngā mahi ako i roto i te taiao o te rumaki e hāngai ana ki te taumata o te ākongā, ka mutu, kia rere nei te wā me nui haere ake te rumakina o te ākongā e pakari ake ai ōna mōhiotanga, ōna pūkenga e pa ana ki te reo. Mā ngā paearu whakauru, mā ngā paearu kōwhiri hoki i te ākongā e tohu te taumata e tika ana kia uru te ākongā ki te hōtaka. Mā te kaiako me te ākongā e whakatau me pēhea te tere/auau o te whakaako e puta ai te angitu i tētahi taiao rumaki kei te taumata 5 me te 6. Tērā pea e tika ana, i ētahi wā, kia haere ngātahi ngā taumata e rua o ngā tohu o te reo i te hōtaka kotahi anake e rite ai ngā ākongā ki te ako i te taiao o te rumaki kei te taumata 5 me te 6.</p> <p>Ngā Mātāpono</p> <p>Ko tā Ngā Mātāpono he ārahi i ngā kura waihanga hōtaka e whakapiki ana i te ako o ngā ākongā katoa.</p> <p>He mātāpono whānui Ngā Mātāpono nei e māmā ai te whakaurunga me te komokomona ki ngā tohu me ngā hōtaka ka whai mai i hanga mai nei e nga Whakahaere Mātauranga. Kāore he mea te ngāwaritanga o te whakaaro. Waihoki, ko tā ngā Mātāpono e whai nei he aro ki ngā iwi me o rātau ao, he whakaū i te whakamahinga me te mana o te reo, he whakaū hoki i te mana o ngā tohu o te reo.</p>

	<p>Ngā Taumata o te Reo</p> <p>Ko te whakahua i ngā momo taumata o te ako i te reo, ka mutu, he mea whakatīnana mā te ariā o te poutama e whakaatu ana i te āhua o te piki haere i roto i te ako. Ka tutuki hoki i ngā taumata o te reo ngā tūmanako whānui o te whānau o te hapū, o te iwi hoki ki te reo.</p> <p><i>Ko te reo kia tika, ko te reo kia rere, ko te reo kia Māori!</i></p> <p>He wāhanga nui anō tā ngā taumata o te reo ki roto ngā hua ki ngā ākonga, ā, me āta tuitui anō ki ngā hōtaka mā reira e riro ai ngā tohu o te reo ki ngā taumata <i>katoa</i>.</p>			
	<table border="1" style="width: 100%;"> <tr> <td style="width: 33%;"><i>Te reo kia tika</i> <i>Te ako i te reo</i></td> <td style="width: 33%;"><i>Te reo kia rere</i> <i>Te whakamahinga o te reo i te horopaki e tika ana</i></td> <td style="width: 33%;"><i>Te reo kia Māori</i> <i>Te pikinga o te whakamahinga me te kawenga o te reo</i></td> </tr> </table>	<i>Te reo kia tika</i> <i>Te ako i te reo</i>	<i>Te reo kia rere</i> <i>Te whakamahinga o te reo i te horopaki e tika ana</i>	<i>Te reo kia Māori</i> <i>Te pikinga o te whakamahinga me te kawenga o te reo</i>
<i>Te reo kia tika</i> <i>Te ako i te reo</i>	<i>Te reo kia rere</i> <i>Te whakamahinga o te reo i te horopaki e tika ana</i>	<i>Te reo kia Māori</i> <i>Te pikinga o te whakamahinga me te kawenga o te reo</i>		

Ngā tikanga e hāngai ana ki nga hua o te tohu

Ngā hua	Ngā whiwhinga	Ngā tikanga
1. Whakamahi i ngā kupu Māori, i ngā hanganga wetereo me ngā pūkenga mārehe ki tēnei taumata teitei, me te tātari i ngā whakaaro o tangata kē mā roto atu i ngā mātāpono hei tohu i te mana tangata.	25	
2. Kawe i te teiteitanga o te reo me ngā kīanga ki te reo kia pai ai te whakaatu i te māramatanga whānui ki ōna hononga ki te whenua me te taiao, ki ngā wāhi, ki ngā tāngata, ki ngā tāhuhu kōrero me ngā pūrākau rongonui, tae atu ki ngā pepeha me ngā kiwaha o te rohe hei whakaputanga i te mana whenua.	25	
3. Whakamahi i te reo ki tēnei taumata teitei, te whakaatu hoki i ngā pūkenga mārehe kia auaha te kawenga o te reo whakaniko i ngā horopaki e taunga nei te ākonga, i ētahi horopaki hoki e tauhou ana ki a ia, mā roto atu i ngā mātāpono hei tohu i te mana reo.	25	
4. Whai i ngā tikanga e tū takitahi ai te ākonga ki te ārahi i te mahi me te tangata i te whānuitanga o ngā horopaki kua tohua, i ētahi horopaki hoki e tauhou ana ki a ia mā roto atu i	25	

	ngā mātāpono hei tohu i te mana ao tūroa.		
5.	Whakamahi i te punenga me te mārehe o tōna mōhio ki te rangahau i tētahi kaupapa e pā ana ki te reo, ki ōna tikanga me ōna āhuetanga.	20	

He kōrero whakawhiti

He kōrero mō te whakakapi	Korekau.
Ko ētahi atu kōrero mō te whakakapi	<p>I whakaputa mai te putanga 2 o tēnei tohu i te marama o Pēpuere 2023 e whai muri ana i tētahi hui arotake. Tirohia ki te Qualifications and Assessment Standards Approvals mō te roanga ake o ngā kōrero.</p> <p>Ko te rā whakamutunga o te aromatawai mō te tohu ka whakakapia arā ko te putanga 1, ko te 31 o Hakihea o te tau 2024.</p> <p>Ko te whāinga a te Ratonga Tohu Māori kia kua tētahi ākongā e ako tonu ana e raruraru i ēnei whakaritenga whakawhiti. Heoi anō, e wātea ana te huarahi ki te tangata e mahara ana kua raruraru ia ki te tuku tono ki te Ratonga Tohu Māori ki te wāhi kua tuhia ki raro nei:</p> <p>PO Box 160 Wellington 6140</p> <p>Telephone: 04 463 3000 Email: mqs@nzqa.govt.nz Website: www.nzqa.govt.nz</p>